

Scéim Faoisimh Tuilte Ráth Mealtain



Nuachtlitir Feabhra 2025

SAN EAGRÁN SEO

AN SCÉAL IS DÉANAÍ

Seo an dara nuachtlitir déag do Scéim Faoisimh Tuilte Ráth Mealtain. I measc na bpríomhghníomhaíochtaí a rinneadh ó foilsíodh an nuachtlitir dheiridh áirítear measúnú ar roghanna agus gníomhaíochtaí timpeallachta.

**Samhaltú Hiodrálach &
Imscrúdaithe Talaimh** Lch 2


Roghnúchán Lch 3

**Gníomhaíochtaí
Timpeallachta** Lch 4

**Na Chéad Chéimeanna
Eile** Lch 5

Samhaltú Hiodrálach

Críochnaíodh an measúnú samhaltaithe hiodrálach agus cuireadh an dréacht-Tuarascáil Hiodrálach faoi bhráid an chliant. Tá Ayesa ag dul ar aghaidh leis an tuairisc hiodrálaice a nuashonrú go stádas deiridh, rud a chuirfidh tuilleadh le measúnú roghanna na scéime le cinneadh a dhéanamh maidir leis an rogha scéime is fearr.



Achar Tógála Shamhaltú Hiodrálach Ráth Mealtáin

Imscrúduithe Talaimh

Rinne an fhoireann tionscadail scóip agus cáipéisí soláthair an Imscrúdaithe Talaimh (GI) a fheabhsú. Ullmhóidh agus déanfaidh speisialtóirí Measúnacht Tionchair Seandálaíochta (AIA) agus scagadh Measúnaithe Cuí (AA) chun éifeachtaí diúltacha féideartha ó na himscrúduithe ar a dtimpeallacht máguaird a mhaolú. Nuair a bheidh measúnachtaí AIA agus AA réidh, cuirfear na tuairiscí san áireamh i bpacáiste tairisceana an Imscrúdaithe Talaimh mar eolas.

Áiríonn scóip an chonartha pollta trialach, claiseanna caola, poill tóraíochta le cnagchuisle cábla, agus croídhruileáil rothlach. Déanfaidh Comhairle Contae Dhún na nGall agus Oifig na nOibreacha Poiblí athbhreithniú air sula bhfógrófar é ar an mhargadh.

Roghnúchán

Tá an fhoireann tionscadail ag ullmhú Réamhthuaisc ar roghanna do Ráth Mealtain. Tá bearta inmharthana féideartha scagtha do gach cainéal abhann agus cosaint cósta. Tá measúnú á dhéanamh ar oiriúnacht na mbeart seo trí mhúnlú d'fhonn cosaint a sholáthar do gach ceall tuile agus roghanna scéime a ghiniúint.

Tá measúnú damáistí curtha i gcrích leis faoi na ceantair atá faoi thuilte, doimhneachtaí tuilte, agus an damáiste do bhóithre agus do fhoirgnimh le linn imeachtaí tuilte a aithint.

Tá torthaí ó Shamhaltú Hiodrálach agus mapáil NbS curtha san áireamh agus nuashonraithe ar fud dul cinn na tuairisce roghnúcháin. Tabharfar an measúnú chuig céim ardleibhéil, agus eagrófar cruinnithe breise leis an phobal ansin leis na bearta inmharthana agus na roghanna atá ag teacht chun cinn a phlé.

Tá tuairiscí agus measúnuithe forbartha ag an fhoireann tionscadail maidir le caomhnú agus oiriúnacht Cé Ráth Mealtain, agus beidh siad seo mar chuid de na roghanna scéime.



Cé Ráth Mealtain

Gníomhaíochtaí Timpeallachta

Cuireadh conradh suirbhé ar speicis ionracha i gcrích in 2024. Tá cáipéis rianaithe suirbhé forbartha ag an fhoireann tionscadail, lena n-áirítear na tréimhsí ama atá riachtanach don tséasúr suirbhéireachta. Tá suirbhéanna ar an láthair ar siúl faoi láthair le breathnóireacht a dhéanamh ar phróisis chóireála IAS maidir le Glúineach Bhiorach agus Balsam Himiléach. Forbróidh an fhoireann tionscadail conradh cóireála IAS eile nuair is gá.

Réitigh Bunaithe ar Nádúr (NbS)

Is ionann Réitigh Bunaithe ar Nádúr agus “réitigh a spreagtar ag an nádúr a thacaíonn leo, atá cost-éifeachtúil agus an am chéanna a chuireann buntáistí timpeallachta, sóisialta agus eacnamaíocha ar fáil agus a chuidíonn le forbairt acmhainneachta” (An Coimisiún Eorpach, 2023).

Rinneadh nuashonrú ar mhapáil amh an dobharcheantair, agus tá thuairisc á nuashonrú mar mheasúnacht féidearthachta ar chur i bhfeidhm cineálacha áirithe de Réitigh Bunaithe ar Nádúr (NbS) leis an baol tuilte a laghdú taobh istigh de limistéar na scéime.

Áirítear an méid seo a leanas sna samplaí ar leith de Réitigh Bunaithe ar Nádúr (NbS):

- Dobharcheantar/ Tuilemhá/Coillearnacha Bruachánacha
- Bogaigh nach tuilemhánna iad
- Gaistí dríodair thar tír
- Athchóiriú bhrúach abhann
- Struchtúir nádúrtha ionsrutha

Rachaidh bearta inmharthana ar aghaidh le haghaidh tuilleadh anailíse agus féadfar iad a chomhtháthú i ndearadh deiridh na scéime.

Na Chéad Chéimeanna Eile

Sna míonna atá romhainn, beidh Foireann an
Tionscadail ag obair ar:

- ➔ Measúnacht agus Forbairt Roghnúcháin
- ➔ Measúnú Caomhnaithe do Bhallaí na Cé
- ➔ Samhaltú Hiodrálach ar Roghanna Faoisimh Tuilte
- ➔ Ceardlann Hiodrálaice
- ➔ Conradh um Imscrúduithe Talaimh



Déan Teagmháil Linn

Más mian leat teagmháil a dhéanamh leis an Fhoireann Tionscadail s'againn i dtaca le ceist ar bith a bhaineann le Scéim Cosanta Tuilte Ráth Mealtain, tig sin a dhéanamh ar na bealaí seo a leanas:

Rphost

RameltonFRS@Ayesa.com

Gnáthphost

Bainisteoir Tionscadail Scéim Faoisimh Tuilte Ráth Mealtain

Ayesa

Building 2100

Páirc Ghnó Aerfort Chorcaí

Bóthar Chionn tSáile Corcaigh

Fón

+353 (0) 21 240 7988

Más mian leat aon eolas eile a fháil i dtaca leis an Scéim, lena n-áirítear an clár, tabhair cuairt ar an tsuíomh gréasáin s'againn:

www.floodinfo.ie/frs/en/ramelton/home/